

01-09/13-04/397

09.04.2021₂



“ТАСДИҚЛАЙМАН”

Қорақалпоғистон Республикаси
Вазирлар Кенгашининг Раиси

Қ.Р.Сариев

2021 йил “ 9 ” апрель

Қорақалпоғистон Республикаси Вазирлар Кенгаши ҳузурида
ота-онаси узоқ муддатга чиқиб кетган вояга етмаганлар
ва ёшларни аниқлаш уларга васий ва ҳомийлар бириктириш
ишларини мувофиқлаштириш бўйича ишчи гуруҳ

ТАРКИБИ

Жуманов Муратбай Арепбаевич	Қорақалпоғистон Республикаси Вазирлар Кенгаши Раисининг ўринбосари, <i>ишчи гуруҳ раҳбари</i>
Ишчи гуруҳ аъзолари	
Турманов Сагындық Турганбаевич	Қорақалпоғистон Республикаси Вазирлар Кенгаши Раисининг ўринбосари - Маҳалла ва оилани қўллаб қувватлаш вазири
Реймов Рустем Мамбеткаримович	Қорақалпоғистон Республикаси Халқ таълими вазири
Қанглибеков Қуатбай Даулетбаевич	Касбий таълимни ривожлантириш ва мувофиқлаштириш бошқармаси бошлиғи
Қурбанов Мурад Исмаилович	Қорақалпоғистон Республикаси Соғлиқни сақлаш вазири
Данияров Абатбай Сапарбаевич	Ёшлар ишлар агентлигининг Қорақалпоғистон Республикаси бошқармаси бошлиғи
Ахмедова Марьям Халилаевна	Қорақалпоғистон Республикаси Маҳалла ва оилани қўллаб қувватлаш вазирининг биринчи ўринбосари
Турдибаев Омирбай Кеулимжаевич	Қорақалпоғистон Республикаси Ички ишлар вазирининг ўринбосари

Қорақалпоғистон Республикасида ота-онаси узоқ муддатга чиқиб кетган вояга етмаганлар ва ёшларни аниқлаш, уларга васий ва ҳомийлар бириктириш ишларини мувофиқлаштириш бўйича ишчи гуруҳ аъзоларининг вазифалари қуйидагича белгилансин:

Ишчи гуруҳ раҳбари.

ишчи гуруҳ фаолиятини ташкиллаштиради ва назорат қилади;

жойларда ота-онаси узоқ муддатга чиқиб кетган вояга етмаганлар ва ёшларни аниқлаш, уларга шаҳар ва туманлар ҳокимликларининг қарорлари билан васий ва ҳомийларни бириктириш ишларини назорат қилади ва мувофиқлаштириб боради;

шаҳар ва туманлар ҳокимликлари ҳузурида васийлик ва ҳомийлик бўйича комиссиялар ҳисоботларини умумлаштириб боради;

мутасадди идоралар томонидан ота-онаси узоқ муддатга чиқиб кетган вояга етмаганлар ва ёшларга ҳомийлар томонидан иқтисодий ва ижтимоий жиҳатдан ёрдамлар берилишини назорат қилади;

мутасадди идораларнинг васийлик ва ҳомийлик соҳасидаги давлат дастурларини амалга оширишда иштирок этишини таъминлайди;

ота-онаси узоқ муддатга чиқиб кетган вояга етмаганлар ва ёшларнинг ҳимоясини кучайтириш орқали улар томонидан жиноят ва ҳуқуқбузарликлар содир этилишининг барвақт олдини олиш бўйича вояга етмаганлар ишлари бўйича Қорақалпоғистон Республикаси идоралараро комиссия йиғилишини **ҳар ойда** ўтказилиб борилишини ташкиллаштиради;

Маҳалла ва оилани қўллаб қувватлаш вазирлигидан бириктирилган масъул раҳбар.

маҳалла раислари томонидан:

ҳудудларда ота-онаси узоқ муддатга чиқиб кетган ҳамда турли сабабларга кўра қаравсиз қолган болаларни аниқлаш ва улар тўғрисидаги маълумотлар ўз вақтида васий ва ҳомийлик органлари ҳамда ҳокимликлар ҳузуридаги комиссияга тақдим этиб борилишини ташкиллаштиради;

ҳудудларда васийлар ва ҳомийларнинг ўз зиммасига юклатилган мажбуриятларнинг бажарилишини ўрганиб боради;

ҳудудларда васийлик ва ҳомийликка берилган болаларнинг турмуш тарзи, эҳтиёжлари ҳамда тарбиясини ўрганиб, васийлик ва ҳомийлик органларига ўз таклифларини киритиб боришини йўлга қўяди.

Халқ таълими вазирлиги ҳамда Касбий таълимни ривожлантириш ва мувофиқлаштириш бошқармасидан бириктирилган масъул раҳбарлар.

Шаҳар ва туманлар халқ таълими бўлимлари ҳамда ўрта-махсус таълим муассасалари томонидан:

ота-онаси узоқ муддатга чиқиб кетган болалар аниқланиши ва уларнинг ҳисоби юритилишини ташкиллаштиради;

ота-онаси узоқ муддатга чиқиб кетган болалар ҳақидаги маълумотларнинг ахборот базаси юритилишини назорат қилади;

бундай болаларнинг яшаш ва ўқиш жойларидаги аҳволини ўрганиб, ўқув дарсларини ўзлаштиришига зарур ёрдамлар кўрсатади ва тарбиясига алоҳида эътибор қаратади;

ота-онаси узоқ муддатга чиқиб кетган ва бошқа сабабларга кўра қоравсиз қолган болаларни қизиқиши бўйича ўқишдан бўш вақтларида спорт, мусиқа, фан ва бошқа тўғаракларга тўлиқ қамраб олиш ҳамда уларнинг бўш вақтларини мазмунли ўтказиш йўлга қўяди;

ота-онаси узоқ муддатга чиқиб кетган болаларнинг ҳуқуқлари, эркинликлари ва қонуний манфаатлари ҳимоя қилинишини таъминлайди;

васий ёки ҳомий бўлиш истагини билдирган ҳамда васийларга ва ҳомийларга қўйиладиган талабларга мос бўлган шахсларни танлашни ҳамда ҳисобга олишни амалга оширади;

васийликдаги ёки ҳомийликдаги шахсларнинг шахсий ҳужжатлар йиғмажилдларини юритилишини назорат қилади;

васийлар ва ҳомийларнинг ўз зиммасига юкланган мажбуриятларни бажариши устидан назоратни амалга оширадilar, уларга васийликдаги ёки ҳомийликдаги шахсларни тарбиялашда, тиббий кузатувини ташкил этишда ёрдам кўрсатадилар;

васийликни ёки ҳомийликни тугатиш тўғрисида, васийларни ёки ҳомийларни ўз мажбуриятларини бажаришдан озод этиш ёхуд четлаштириш ҳақида туман, шаҳар ҳокимига илтимосномалар киритадилар;

боланинг ҳаётига ёки соғлиғига бевосита таҳдид пайдо бўлган ҳолларда уни васийликка берилган ёхуд ота-онасининг ўрнини босувчи шахслардан олиб қўйиш чораларини кўрадилар;

давлат муассасаларига (интернатларга) жойлаштириладиган балоғатга етмаганларнинг ҳисобини олиб борадилар ва ҳужжатларини тайёрлайдилар;

васийликдаги ёки ҳомийликдаги шахсларга маслаҳат ёрдами, ҳуқуқий, ижтимоий, психологик-педагогик ва тиббий ёрдам кўрсатиш борасида ҳуқуқни муҳофаза қилувчи органлар, таълим муассасалари, соғлиқни сақлаш муассасалари, меҳнат ва аҳолини ижтимоий муҳофаза қилиш органлари, фуқароларнинг ўзини ўзи бошқариш органлари, нодавлат нотижорат ташкилотлар билан ҳамкорлик қиладилар;

қонун ҳужжатларига мувофиқ бошқа ваколатларни ҳам амалга ошириши мумкин.

Соғлиқни сақлаш вазирлигидан бириктирилган масъул раҳбар.

соғлиқни сақлаш тизими ходимлари томонидан:

ота-онаси узоқ муддатга чиқиб кетган вояга етмаганлар ва ёшларнинг соғлигини ўрганиб борилишини ва зарур тиббий ёрдамлар кўрсатилишини ташкиллаштиради;

бундай болалар аросида муомалага лаёқатсиз ва муомала лаёқати чекланганларини аниқлайдилар ҳамда уларнинг ҳисобини юритадилар;

ота-онаси узоқ муддатга чиқиб кетган васийликдаги ёки ҳомийликдаги шахсларни парвариш қилишни, тарбиялашни ва уларнинг тиббий кузатувини ташкил этишда ёрдам кўрсатадилар;

васийликни ёки ҳомийликни тугатиш тўғрисида, шунингдек васийларни ёки ҳомийларни ўз мажбуриятларини бажаришдан озод этиш ёхуд четлаштириш ҳақида туман, шаҳар ҳокимига илтимосномалар киритадилар;

васийликдаги ёки ҳомийликдаги шахсларнинг ҳуқуқлари, эркинликлари ва қонуний манфаатларини ҳимоя қилиш масалалари юзасидан белгиланган тартибда ариза билан судга мурожаат қиладилар, мазкур масалалар юзасидан ишларни суд мажлисларида кўриб чиқишда иштирок этадилар;

васийликдаги ёки ҳомийликдаги шахсларга маслаҳат ёрдами, ҳуқуқий, ижтимоий, психологик-педагогик ва тиббий ёрдам кўрсатиш борасида ҳуқуқни муҳофаза қилувчи органлар, таълим муассасалари, меҳнат ва аҳолини ижтимоий муҳофаза қилиш органлари, фуқароларнинг ўзини ўзи бошқариш органлари, нодавлат нотижорат ташкилотлари билан ҳамкорлик қиладилар;

фуқароларга васийлик ва ҳомийлик масалалари бўйича маслаҳатлар берадилар;

фуқароларнинг васийлик ва ҳомийлик масалалари бўйича мурожаатларини кўриб чиқадиладар ва улар юзасидан чора-тадбирлар кўрадилар;

васийлик ва ҳомийликни белгилаш юзасидан қабул қилинган ҳоким қарорларининг ижроси юзасидан тегишли муассасалар, ташкилотлар ва фуқаролар билан ҳамкорлик қиладилар.

туман, шаҳар тиббиёт бирлашмалари қонун ҳужжатларига мувофиқ бошқа ваколатларни ҳам амалга ошириши мумкин.

Ёшлар ишлари агентлиги Қорақалпоғистон Республикаси бошқармасидан бириктирилган масъул раҳбар.

ота-онаси узоқ муддатга чиқиб кетган вояга етмаганлар ва ёшларга ҳомийлар бириктирилишида таълим муассасаларига яқиндан ёрдам беради;

бундай болаларнинг иқтисодий ва ижтимоий жиҳатдан ёрдамга муҳтожларини аниқлайди ҳамда уларга ҳомийлар томонидан ёрдамлар кўрсатилишини ташкиллаштириб боради;

ота-онаси узоқ муддатга чиқиб кетган ва бошқа сабабларга кўра қоравсиз қолган болаларни қизиқиши бўйича ўқишдан бўш вақтларида спорт, мусиқа, фан ва бошқа тўғаракларга тўлиқ қамраб олиш ҳамда уларнинг бўш вақтларини мазмунли ўтказишда таълим муассасаларига ёрдамлар беради.

Ички ишлар вазирлигидан бириктирилган масъул раҳбар.

профилактика бўлинмалари ходимлари томонидан ҳудудларда ота-онаси узоқ муддатга чиқиб кетган болалар аниқланиши ва уларнинг ҳисоби юритилишини ташкиллаштиради;

ота-онаси узоқ муддатга чиқиб кетган вояга етмаганлар ва ёшларни тарбияси, яшаш ва ўқиш жойларидаги аҳволини ўрганиб, зарур ёрдамлар кўрсатилишини ташкиллаштиради;

ота-онаси узоқ муддатга чиқиб кетган ва бошқа сабабларга кўра қаровсиз қолган болаларни қизиқиши бўйича ўқишдан бўш вақтларида спорт, мусиқа, фан ва бошқа тўғаракларга тўлиқ қамраб олиш ҳамда уларнинг бўш вақтларини мазмунли ўтказишда таълим муассасаларига ёрдамлар беради;

бундай болалар орасида тарбияси оғирларини аниқлайди ва руйхатларини шакллантириб, улар томонидан жиноят ва ҳуқуқбузарликлар содир этилишининг барвақт олдини олишга қаратилган профилактик ишларни амалга оширади.

Изоҳ:

1. Ишчи гуруҳ таркибига киритилган вазирликлар, идоралар ва ташкилотларнинг шаҳар ва туманлардаги бўлинмалари ишчи гуруҳ фаолиятига тегишли масъул ходимлар жалб этилишини таъминласин.

2. Шаҳар ва туманлар ҳокимликлари Ишчи гуруҳга тегишли мутахассисларни жалб қилган ҳолда амалий ёрдам кўрсатсин.

